

LUS CEEB TOOM TXOG KEV NOJ QAB HAUS HUV



Kam Mob Naegleria

**IB TUG KAB MOB TXAUS NTSYAI UAS NRHIAV
TAU NYOB HAUV COV PAS DEJ, COV KWJ DEG
THIAB COV PAS DEJ ME**

Naegleria

Naegleria yog ib lub npe loj loj hu tus kab mob me me (ameba) thiab feem ntau yuav nrhiav tau hauv cov pas dej, cov kwj deg thiab cov pas dej me.

Kab Mob Naegleria fowleri

Naegleria fowleri ua rau yus mob thaum cov kab mob no nkag tibneeg lub qhov ntsyag, ces tom qab ntawd cov kab mob khiav mus rau lub hlwb.

PAM (primary amebic meningoencephalitis)

Cov kab mob no ua rau yus mob PAM – yog ib hom mob uas tsawg tsawg tus muaj, thiab ua tau rau yus tas sim neej. Yog tias yus muaj mob li no ces yuav pib muaj tej tsos mob sai sai li 1-7 hnuv tom qab cov kab mob nkag lub cev. Yuav muaj tej tsos mob xws li dia taub hau, ua npaws, xeev siab, ntuav, thiab lub caj dab txhav.

COV KAB MOB NO UA RAU YUS MOB SAI SAI

Thaum cov kab mob no nkag mus lub hlwb, ua rau lub hlwb o tuaj, ces thiaj ua rau yus tsis paub tom ntej tom qab, tsis quav ntsej, sawv tsis khov, qaug dab peg, thiab pom tej yam uas tsis muaj tiag tiag. Feem ntau cov kab mob ua rau yus tas sim neej hauv 1-12 hnuv.

Yog koj mus ua luam dej hauv lub pas dej lossis tus kwj deg ces tom qab ntawd koj pib muaj tej tsos mob li hais tas los no cia li mus nrhiav kev kho mob tam sid.

**Washington
County**

Department of Public Health
and Environment


www.co.washington.mn.us



Hais Txog Naegleria



Kev Muaj Mob Los Ntawm Cov Kab Mob Naegleria fowleri



YUAV UALICAS THIAJ TIV THAIV TAU THIAB NTXIV

TXOJ KEV TIV THAIV TXOG COV KAB MOB NO UAS RUAJ NTSEG TSHAJ PLAWS

Tsis txhob ua luam dej hauv cov dej sov thiab cov dej teev, xws li cov pas dej, cov kwj deg, cov pas dej me thiab cov thoob loj loj cug nag. Dej teev sov sov pab kom cov kab mob huam coob tuaj sai. Feem ntau cov neeg uas nkag mus rau hauv lub pas dej los yog kwj deg twg yuav tsis raug tus kab mob *Naegleria fowleri* no.

YUS HAJ YAM RAUG TAU TUS MOB NO RAU THAUM LUB CAIJ NTUJ SOV

Thaum lub caij ntuj sov txhob ua luam dej lossis dhia mus hauv cov pas dej thiab cov kwj deg thaum cov dej ntawd teev, sov, thiab ntiav. Huab cua kub npaum licas ces koj haj yam raug tau tus kab mob ntau npaum li ntawd.

KAW QHOV NTSWG

Thaum koj ua luam dej, caws qia, dhia dej, los yog ua “waterskiing” hauv cov pas dej lossis kwj deg, koj yuav tsum muab rab cياج kaw qhov ntswg los tais ob lub qhov ntswg, lossis txhob muab koj lub taub hau raus dej.

TUS KAB MOB NYOB HAUV XUAB ZEB THIAB AV QAB THU

Tsis txhob khawb los yog do cov xuab zeb thiab av qab thu thaum koj ua luam dej rau hauv dej ntiav. Cov kab mob no tsis yog kis los ntawm tibneeg.

XOV XWM NTXIV

Saib qhov web page hais txog kev ua luam dej muaj kev ruaj ntseg nyob rau ntawm:
www.cdc.gov/healthywater/swimming/

Daim ntawv qhia tej yam tseem ceeb txog *Naegleria fowleri* thiab primary amebic meningoencephalitis (PAM):
www.health.state.mn.us/divs/idepc/diseases/naegleria/naegleria.pdf

⊕ Cov ntawv no yog muab cov ntawd twb siv lawm rov qab siv dua ua 100 feem pua thiab tsis muaj cov tshuaj chlorine

7/13 - Hmong